

Jasmina Bišćević Tokić
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vladi Kantona Sarajevo

PREDMET: ZASTUPNIČKO PITANJE

Poštovani,

Upućujem zastupničko pitanje Vladi Kantona Sarajevo, da li je Vlada prije usvajanja Zaključka o subvencioniranju plina dobila pravno mišljenje Ministarstva pravde i uprave, tj. da li je uvažena ministrica upozorila Vladu Kantona Sarajevo o potrebi poštivanja procedura, propisanih Zakonom o državnoj pomoći i Uredbom Vlade Federacije Bosne i Hercegovine iz 2018. godine, a sve prije usvajanja Zaključka? Da li je iko od članova Vlade zatražio pravno mišljenje ministrice ili da li je uvažena ministrica sama osjetila za potrebnim da upozna Vladu sa relevantnim propisima iz ove oblasti? Da li je Vlada prije usvajanja Zaključka analizirala pravne propise koji regulišu pitanje pravne pomoći? Da li je Vlada osjetila za potrebnim da upozna sve poslanike Skupštine Kantona Sarajevo prije usvajanja Zaključka da izdvajanje iz budžeta predstavlja državnu pomoć, koja ima tačnu proceduru usvajanja, odnosno odobrenja? Da li je Vlada sagledala sve negativne strane realizacije zaključka o subvencioniranju u slučaju da je prekršen Zakon o državnoj pomoći? Da li se Energetska zajednica obratila Vladi Kantona Sarajevo i šta u ovom trenutku traže od Vlade Kantona Sarajevo? Da li se Vijeće za državnu pomoć obratilo Vladi Kantona Sarajevo i šta u ovom trenutku traže od Vlade Kantona Sarajevo? Da li Vlada Kantona Sarajevo ima za potrebu da kolektivno podnese ostavku zbog otvaranja slučaja protiv nje, a od strane Energetske zajednice? Da li Vlada Kantona Sarajevo shvata da je dostavila na Skupštinu potpuno pravno nepripremljen dokument i da su poslanici i građani prevareni ovakvim neprofesionalnim pristupom? Da li je Vlada Kantona Sarajevo usvojenim Zaključkom pogodovala sebi, jer će i ministri dobiti gas po manjoj cijeni, te da li ne ovim prekršen Zakon o sukobu interesa, cl.10, tacka i)? Na kraju, a kako nas je Vlada počela svađati i sa Evropom, to mislimo da išta zbog dobrobiti Kantona, privrednih subjekata i građana treba da podnese kolektivnu ostavku, jer čega god se ova Vlada prihvati tu nastaju problemi. Prevariti i poslati na Skupštinu Zaključak bez svih informacija i bez poštivanja procedura je obmana kakvu nismo vidjeli u ovoj Skupštini.

S poštovanjem,

Jasmina Bišćević Tokić, Zastupnica u Skupštini Kantona Sarajevo

01
✓

1